



UNIVERSITÄTS-  
BIBLIOTHEK  
PADERBORN

**SANCTI|| IOANNIS|| DAMASCENI OPERA,||**

**Johannes <Damascenus>**

**Parisiis, 1577**

De nouis & inusitatis suppliciis, tum à Deo, tum ab hominibus illatis. cap.  
iiii.

---

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A cidamque in manus incircunciforum. Aperuit itaque Dominus molarem dentem in maxilla asini, & egressa sunt ex eo aqua. Quibus haustis refocillauit spiritum, & vires recepit. Abiit quoque in Gazam, & vidit ibi mulierem meretricem, ingressusque est ad eam. Quod cum audissent Philistiim, & percussisset apud eos intrasse urbem Samson, circumdederunt eum, positis in porta ciuitatis custodiis: & ibi tota nocte cum silentio prestolantes, ut facto mane exeuntem occiderent. Dormiuit autem Samson vsque ad medium noctis, & inde consurgens, apprehendit ambas portae fores cum postibus suis & fera, impositasque humeris suis portauit ad verticem montis, qui respicit Hebron. Habitatores Gabaa septingenti erant viri fortissimi, ita sinistra ut dextra praeliantes: & sic fundis lapides ad certum iacentes, ut capillum quoque possent percutere, & nequaquam in alteram partem ictus lapidis deferretur.

A sael cursor velocissimus fuit, quasi vnus de capreis, quae morantur in syluis. 2. Reg. 2.

*Omnia in omnibus mixta sunt: atque in terra, & aquam, & aërem, & ignem inuenies. Adhuc ex saxis ignis prosilit: atque item è ferro, quod etiam ipsum à terra ortum trahit, copiosus ignis in affricu elucere solet. Id quod etiam admiratione dignum est, nempe qui fiat, ut ignis dum in corporibus est, innoxie delitescat, cum autem foras prodiit, ea quibus custoditur, absumat.*

*De ipso mari num exponere queas, quonam pacto aqua in salem concreseat? Quonam pacto pretiosus lapis, corallium, maris quidem herba sit, postquam autem in aërem eductum est, in lapideam rigiditatem migret? Quonam pacto ostrea, infimo ac vilissimo animanti, ingentis pretij gemmam natura imposuerit? (Nam quae regum thesauri concupiscunt, ea ad ripas & litora, rupesque asperas abiecta sunt, ostreorum corporibus inherencia.) Quonam pacto aureum vellus pinnae alant: quod nullus tinctor ad hunc vsque diem imitari potuit? Quonam pacto concha imperatoribus purpuram largiantur, quae pratorum etiam flores coloris elegantia superent?*

*Et fecit Deus cete magna. Non quia squilla & halece maiora, ideo magna dicta sunt: ibi sed quia corporis magnitudine ac tumore summos montes adaequant: quippe quae insularum etiam plerumque speciem praebent, cum aliquando in summa aquae superficie natant. Quod si audias quemadmodum maximas naues, cum secundo vento passis velis feruntur, remora, exiguus pisciculus, ita facile sistit, ut eas per diu immobiles, non secus atque in ipso mari defixas, teneat, tum demum summi illius artificis vim admiraberis.*

*Simias aiunt, cum pepererint, prolem suam, non secus ac statuam quandam, defixis oculis intueri, atque ipsius pulchritudinem admirari. Tantus videlicet sobolis amor animalibus à natura insitus est.*

De nouis & inusitatis suppliciis, tum à Deo, tum ab hominibus illatis.

C A P. I I I I.

E



BIMELECH urbem cepit, interfectis habitatoribus eius, ipsaque destructa, ita ut sal in ea dispergeret. Fugit Adonibezec, quem comprehenderunt, caelis summitatibus manuum eius ac pedum. Dixitque Adonibezec, Septuaginta reges amputatis manuum ac pedum summitatibus, colligebant sub mensa mea ciborum reliquias: sicut feci, ita reddidit mihi Deus.

Percussit Rabba, & destruxit eam, manubias quoque urbis plurimas tulit. Populum autem, qui erat in ea, eduxit, & fecit super eos tribulos, & trahas, & ferrata carpenta transire: ita ut dillicarentur, & contererentur. Sic fecit Dauid cunctis urbibus filiorum Ammon.

Et iugulauit rex Babylonis filios Sedeciae in oculis eius. Sed & omnes prin-

D. IOANN. DAMASCENI

cipes Iuda occidit in Reblatha. Et oculos Sedeciae eruit, & vinxit eum compedibus, & adduxit eum in Babylonem: & posuit eum in domo carceris vsque ad diem mortis eius.

*De peregrinitate: & quod fiducia careat peregrinus.*

CAP. V.

Gen. 19. **D**I X E R V N T viri Sodomae ad Loth: Ingressus es vt aduena: nunquid vt iudices?

Pro. 27. Sicut auis transmigrans de nido suo: sic homo seruitute premitur, cum a loco suo peregrinatur.

Ecli. 34. Vir, qui peregrinatus est, & oberrauit, cognouit multa. Et rursus: Qui oberrauit, multiplicat fraudem. Multa vidi in oberratione mea: & maior est sermonibus meis intelligentia mea.

*De iuramento: & quod perniciofa & prapostera iuramenta praestanda non sint.*

CAP. VI.

1. Reg. 14. **D**I X I T Saul ad Ionatham, Indica mihi quid feceris. Et indicauit ei Ionathas, & ait, Gustans gustavi in summitate virgae, quae H erat in manu mea, paululum mellis, & ecce ego morior! Et ait Saul: Hae faciat mihi Deus, & haec addat, quia morte morieris Ionatha. Dixitque populus ad Saul, Ergone Ionathas morietur, qui fecit salutem hanc magnam in Israel? Hoc nefas est. Liberavit ergo populus Ionatham, vt non moreretur.

Hier. 38. Et dixit rex Sedecias ad Hieremiam: Sollicitus sum propter Iudaeos, qui transfugerunt ad Chaldaeos: ne forte tradar in manus eorum, & illudat mihi. Respondit autem Ieremias, Non te tradent. Audi, quae so, vocem Domini, & bene erit tibi, & viuet anima tua.

Mat. 14. Die natalis Herodis saltauit filia Herodiadis in medio: & placuit Herodi. Vnde cum iuramento pollicitus est ei dare quodcumque postulasset ab eo. At illa pramonita a matre sua, Da mihi hinc, inquit, in disco caput Ioannis Baptistae. Et dedit ei.

Scholium Damas. *Satius erat Herodi iusuradum interpositum violare, quam Prophetae caput amputare.*

*De pupillis, & pauperibus, ac viduis.*

CAP. VII.

Exod. 22. **V**I D V A E & pupillo non nocebitis. Si laeseritis eos, vociferabuntur ad me, & ego audiam clamorem eorum, & indignabitur furor meus, percutiamque vos gladio, & erunt vxores vestrae viduae, & filij vestri pupilli.

Iob. 29. Os viduae benedicebat me. Pupillo, cui non erat adiutor, opem ferebam.

Deut. 24. Non accipies loco pignoris viduae vestimentum.

Psal. 67. Pater orphanorum, & iudex viduarum.

Pro. 23. Agrum pupillorum ne intro eas: qui enim liberat eos, fortis est: & ipse iudicabit contra te causam illorum.

Pro eo quod iniuriam inferebant paruulis, interficientur.

Zach. 7. Viduam, & pupillum, & aduenam, & pauperem nolite opprimere.

Ecli. 4. Esto pupillis misericors vt pater, & pro viro matri illorum: & eris tu filius